



წლიური ანგარიში მხარჯავი დაწესებულების პროგრამების და ქვეპროგრამების შესახებ

=====

სახელმწიფო ფინანსების მართვა (პროგრამული კოდი 23 01)

ხაზინის განვითარების რეფორმა (პროგრამული კოდი 23 01 03)

საქართველოს ფინანსთა სამინისტროს სახაზინო სამსახური

| პროგრამული კოდი | დასახელება | წლიური სახელმწიფო ბიუჯეტით დამტკიცებული მოცულობა | წლიური სახელმწიფო ბიუჯეტის დაზუსტებული გეგმით გათვალისწინებული მოცულობა | წლიური საკასო შესრულება | საკასო შესრულების % წლიურ დაზუსტებულ გეგმასთან მიმართებაში | საკუთარი სახსრებიდან მიმართული თანხები (ასეთის არსებობის შემთხვევაში) |
|-----------------|--|--|---|-------------------------|--|---|
| 23 01 | პროგრამა - სახელმწიფო ფინანსების მართვა | | | | | |
| 23 01 03 | ქვეპროგრამა - ხაზინის განვითარების რეფორმა | 3 050.0 | 3 050.0 | 2 912,9 | 95.5 | |
| | ქვეპროგრამა | | | | | |

საანგარიშო პერიოდში ქვეპროგრამის ფარგლებში განხორციელებული ღონისძიებების მოკლე აღწერა:

- ფისკალური გადაწყვეტილებების ეფექტიანობის გაუმჯობესების მიზნით, 2023 წლის განმავლობაში მუდმივად ხორციელდებოდა სახელმწიფო ფინანსების მართვის ინტეგრირებული საინფორმაციო სისტემის (PFMS) დახვეწა, ბიზნეს-პროცესების გამარტივება და არსებული საინფორმაციო სისტემის მოდერნიზება.
- საჯარო ფინანსების მართვის გაუმჯობესების და საერთაშორისო პრაქტიკასთან შესაბამისობაში მოყვანის მიზნით, საერთაშორისო სავალუტო ფონდის ტექნიკური დახმარების ფარგლებში, ჩატარდა დამატებით შემოსაღები IPSAS-ების ანალიზი. დატრენინგდა ხაზინის თანამშრომლები აღნიშნულ სტანდარტებში. შემუშავდა



შესაბამისი რეკომენდაციები აღრიცხვა-ანგარიშების მარეგულირებელი ნორმატიული აქტების დახვეწისა და IPSAS სტანდარტების დამატებით შემოღების მიზნით. რეკომენდაციების შესაბამისად, მიმდინარეობს ნორმატიული აქტების პროექტების მომზადება. IPSAS სტანდარტების სწავლებასთან დაკავშირებით. ფინანსთა სამინისტროს აკადემიის ხელშეწყობით ჩატარდა ტრენინგები სახელმწიფო და ადგილობრივი ბიუჯეტების დაფინანსებაზე მყოფი ორგანიზაციების ბუღალტრებისთვის, რაც გულისხმობდა აღრიცხვის და ანგარიშების მეთოდოლოგიის სწავლებას, IPSAS სტანდარტების პრაქტიკაში გამოყენების მიზნით. გარდა ამისა, მსოფლიო ბანკის მხარდაჭერით, საჯარო სექტორის 420 ბუღალტრისათვის შეძენილ იქნა PwC-ს მიერ შემუშავებულ IPSAS in a box ონლაინ სწავლების პლატფორმაზე წვდომა, ჩატარდა ტრენინგები IPSAS სტანდარტების ძირითად მოთხოვნებსა და ასევე, ამ პლატფორმის გამოყენებასთან დაკავშირებით. სამოქმედოდ შემოღებული IPSAS სტანდარტების საფუძველზე, მომზადდა სახელმწიფო ბიუჯეტის დაფინანსებაზე მყოფი ორგანიზაციების 2022 წლის კონსოლიდირებული ფინანსური ანგარიშგება, რომელიც ავტონომიური რესპუბლიკების და მუნიციპალიტეტების კონსოლიდირებულ ფინანსურ ანგარიშგებებთან ერთად ანგარიშვალდებულების და გამჭვირვალობის მიზნებისათვის გამოქვეყნებულია სახაზინო სამსახურის ვებ-გვერდზე www.treasury.ge.

3. 2023 წლის განმავლობაში მუდმივად ხორციელდებოდა ბიუჯეტების აღრიცხვა-ანგარიშგებების წარმოების დახვეწა და სრულყოფა. დღეისათვის სახელმწიფო ხაზინა აწარმოებს სახელმწიფო და ადგილობრივი ბიუჯეტების, საქართველოს საბიუჯეტო კოდექსით განსაზღვრული სსიპ-ების და ა(ა)იპ-ების ბიუჯეტების შემოსულობების, გადასახდელებისა და ნაშთის ცვლილების აღრიცხვას, ანგარიშგებას და ანგარიშსწორებას, სახელმწიფო ხაზინის ერთიანი ანგარიშის და სახელმწიფო ხაზინის სხვა სალარე და სავალუტო ანგარიშების მართვას, ოპერირებას და აღრიცხვას, ზედმეტად ან შეცდომით გადახდილი თანხების დაბრუნებას, აღრიცხვას და ანგარიშგებას, სახელმწიფო ხაზინის მიერ კომერციულ ბანკებში განთავსებული თანხების აღრიცხვას, მართვას და ანგარიშგებას და სხვა. ყოველდღიურ საქმიანობასთან ერთად მუდმივად ხდებოდა აღრიცხვისა და ანგარიშსწორების პროცესის საოპერაციო ციკლის სრულყოფა და ოპერატიულობის გაუმჯობესება, ანგარიშგებების ფორმების დახვეწა და ახალი, უფრო ინფორმატიული ანალიტიკური ფორმების შემუშავება.

დასახული შუალედური შედეგები:

1. სახელმწიფო ფინანსების მართვის ინტეგრირებული საინფორმაციო სისტემის (PFMS) შემდგომი გაფართოების და განვითარების შედეგად გაიზარდა ბიუჯეტიდან განხორციელებული გადახდების გამჭვირვალობის დონე, ამალღდება საბიუჯეტო ორგანიზაციების ანგარიშვალდებულების ხარისხი, გაუმჯობესდება გადაწყვეტილებების მიღების ხარისხი სახელმწიფო ფინანსების ეფექტიან გამოყენებასთან დაკავშირებით. დარიცხვის მეთოდზე დაფუძნებული ხაზინის მთავარი ნიგნის ფუნქციონირება უზრუნველყოფს რეალურ დროში ინფორმაციის მიღებას თითოეული ორგანიზაციის, თუ მთლიანი მთავრობის აქტივებისა და ვალდებულებების შესახებ.



2. საჯარო სექტორში აღრიცხვის რეფორმის შედეგად გაიზრდება სააღრიცხვო ინფორმაციის ხარისხი, ამალდება საბიუჯეტო ორგანიზაციების ბუღალტერთა კვალიფიკაციის დონე, გაუმჯობესდება სახელმწიფო ფინანსების მართვის პრაქტიკა და სხვ. რაც ხელს შეუწყობს სახელმწიფო ფინანსების მიმართ საზოგადოებრივი ინტერესისა და ნდობის ამალლებას და გაზრდის ანგარიშვალდებულებისა და გამჭვირვალობის დონეს.
3. ბიუჯეტების აღრიცხვა და ანგარიშგებების სრულყოფის შედეგად გაიზრდება ბიუჯეტების აღრიცხვა - ანგარიშგების გამჭვირვალობის დონე და გაუმჯობესდება ანგარიშვალდებულების ხარისხი. უფრო ინფორმატიული გახდება ანგარიშგებები, რაც თავის მხრივ ეფექტიანი გადაწყვეტილებების მიღების წინაპირობა იქნება.

მიღწეული შუალედური შედეგები:

1. ფისკალური გადაწყვეტილებების ეფექტიანობის გაუმჯობესების მიზნით, სახელმწიფო ფინანსების მართვის ინტეგრირებულ საინფორმაციო სისტემაში (PFMS) ბიზნეს-პროცესები მეტად გამარტივებული და დახვეწილია.
2. დარიცხვის მეთოდის IPSAS სტანდარტების მოთხოვნები ასახულია აღრიცხვის და ანგარიშგების მარეგულირებელ ნორმატიულ აქტებში. სახელმწიფო ბიუჯეტის მხარჯავი დანახვების, ავტონომიური რესპუბლიკების და მუნიციპალიტეტების წლიური კონსოლიდირებული ფინანსური ანგარიშგებები ყოველწლიურად გაუმჯობესებულია და გამოქვეყნებულია სახაზინო სამსახურის ოფიციალურ ვებგვერდზე www.treasury.ge.
3. ანგარიშგებების დახვეწის და სრულყოფის შედეგად, ბიუჯეტების აღრიცხვის და ანგარიშგებების ხარისხი გაუმჯობესებულია, გაზრდილია ბიუჯეტების აღრიცხვა-ანგარიშგების გამჭვირვალობის დონე და ანგარიშვალდებულება.

მიღწეული შუალედური შედეგების შეფასების ინდიკატორები:

1. სახელმწიფო ფინანსების მართვის ინტეგრირებული საინფორმაციო სისტემაში (PFMS) ბიზნესპროცესების გამარტივებულია და მორგებულია მომხმარებელთა საჭიროებებზე.
2. სახელმწიფო ბიუჯეტის, ავტონომიური რესპუბლიკებისა და მუნიციპალიტეტების წლიური კონსოლიდირებული ფინანსური ანგარიშგებები ყოველწლიურად გაუმჯობესებულია დარიცხვის მეთოდის IPSAS სტანდარტების მოთხოვნებთან შესაბამისობის მიღწევის გზით და გამოქვეყნებულია სახაზინო სამსახურის ოფიციალურ ვებ-გვერდზე www.treasury.ge
3. ბიუჯეტების აღრიცხვა-ანგარიშგების წარმოება მუდმივად გაუმჯობესებულია როგორც მომცველობისა და ინფორმატიულობის, ისე ოპერატიულობის და გამჭვირვალობის მიმართულებით.